

## 1,649 premis di Negeri Sembilan sudah diperiksa KPDNHEP

April 24, 2020 Ditulis oleh Media Baharu



**SEREMBAN, 24 April** - Di Negeri Sembilan, seribu 649 premis telah diperiksa Kementerian Perdagangan Dalam Negeri dan Hal Ehwal Pengguna KPDNHEP sejak PKP mula dilaksanakan, sehingga 21 April lalu.

Daripada jumlah itu, pemeriksaan dilakukan terhadap 40 peruncit melibatkan seribu 183 premis, 20 pemborong dengan 469 premis, dan 124 premis di luar bandar. Teruskan patuhi Perintah Kawalan Pergerakan.

Antara kesalahan yang dikenakan kompaun termasuk gagal mempamerkan tanda harga dan menjual topeng muka melebihi harga siling.

Jelas Ketua Sub Seksyen Pencegahan Bahagian Penguat Kuasa KPDNHEP Negeri Sembilan, Mohd Isam Abdullah lagi, pihaknya sentiasa membuat pemeriksaan ke atas 25 barangan utama meliputi gula, minyak masak, beras, ayam, sayur-sayuran dan telur bagi memastikan kenaikan harga tidak berlaku.

Beliau menyatakan perkara itu di Kompleks Penyiaran Tuanku Muhammad, Seremban.

<http://berita.rtm.gov.my/index.php/nasional/17729-1-649-premis-di-negeri-sembilan-sudah-diperiksa-kpdnhep>